



疆域圖

獨爐寨

后樓寨

長村鎮

翠屏山

縣署

鴻博堂

顧關

水磨壩

西關

舊龍廟

賈莊

西留莊

社稷壇

韓村


北榆林

三領城


神溪

演武亭


恭符



城池圖




州治圖



學宮圖



關廟





渾源州修志凡例

雲中四州渾源獨稱勝地以在恒山下也恒山
 爲五岳之一與秦華衡崧鎮宇內秦華衡崧
 皆有志恒獨無靈蹟高文雜見州志幾半帙夫
 核故實稽善敗宜專志州紀神異考秩祀宜專
 志岳離之則雙美合之則兩傷也今先志郡次
 志岳其綱目列在左方

輿地志

沿革
風俗

分野

疆域

形勝

山川

建置志

城池
坊表

州治

學宮

壇廟

公署

津梁

里社

堡寨

關市

亭候

丘墓

食貨志 戶口 田賦 丁賦 物產

兵政志 兵籍 屯田 器械 方畧

職官志 官制 題名 宦蹟 世胄

選舉志 薦辟 進士 武舉 鄉舉 歲貢 封廕

人物志 鄉賢 寓賢 孝行 貞烈

藝文志 集文 集詩

藝紀志 古蹟 寺觀 技藝 災異 丘變

右綱九目四十有九首輿地仰觀俯察之衡也
次建置保社安民之矩也次食貨則壤食毛之
制也次兵政生聚教訓之畧也次職官振綱紀

以勵官常也次選舉重弓旌以昭榮遇也次人
物獻足徵也次藝文文足徵也次藝紀括遺事
攷異聞備非常也皆志例也義存其間矣若夫
考經据史窮幽探奇以昭禋祀紀名勝述游覽
則有岳志例在茲不具書云

奉直大夫知渾源州事汜水趙之韓編次

乙酉 解 元山陰王濬初纂修

儒學 學 正孟縣邢九成

訓 導新安劉節

庠生郡人白尚煥

陳 棕

張復純

翟 翔

閻可行

翟 琬

翟 琬

黎民化全校正

涇源州志卷之一

汜水趙之韓編次

山陰王濬初纂修

輿地志

今郡縣古侯國也提封不一姓而離合紛糾星野
失次經界險要俱湮陵谷土風胥變何沒沒也欲
考因地測象緯辨封畛據阨塞覽勝觀風舍職方
氏所掌何以哉作輿地志第一

沿革唐屬冀州虞分冀東恒山地爲并州夏復合爲

冀州商封代子國周末僭王據恒北地因屬代趙襄

子滅代遂屬趙秦分天下屬鴈門西漢改崞縣東漢初徙吏民內地崞縣廢尋復置東漢末復廢魏復置晉劉琨以與拓跋猗盧已棄去元魏爲畿內地改石城縣屬神武郡東魏改廓州北齊屬北恒州隋開皇間改平寇縣大業間復爲崞縣唐因之後唐徙今城爲渾源縣屬應州石晉以山後十六州賂契丹後竟屬遼金貞祐初升渾源州元改恒陰縣隸西京後復爲渾源州 西京今大同府

國朝因之編戶一十四里隸山西布政司大同府

按舊志趙孝成王以龍兌龍門臨樂易葛武陽平

舒于燕引地道記云山陽西北四百五十里崞石峽口忽得平川故名謂平舒卽州舊城也考漢地理志平舒屬代趙業已滅代平舒所自有不應易之于燕尹畊氏謂平舒爲廣靈廣靈鄰上谷與燕接壤其說近是並識以俟考焉

今野 昴畢大梁之次於辰爲酉於州爲冀於國爲趙帝王世紀云自胃七度至畢十一度在酉宮趙之分野史記漢晉志同州郡躔次云恒山入昴五度鴈門入東井十六度代郡入東井二十八度舊志云雲中入東井一度

按東井秦分也變占見史冊者班班可考以趙當之非是并非雲中分也志所指雲中又在塞外亦非是愚謂州屬冀趙則占宜主昂畢昂畢同宮而昂多主胡則當專占畢參爲晉星趙故晉地則又當兼占參天度三百六十五餘四分度之一卽全趙不能當一度彈丸之州度於何有然日行一晝夜始移一度而日法析爲九百四十分度又可析以屬州縣也保章氏之法豈盡誣哉

疆域東四十里至廣靈縣分水嶺界又八十里至縣西五十里至應州羅家莊界又四十里至州南一百二十里至靈丘蔡家峪界又五十里至縣北五十里至大同縣西浮頭界又七十里至縣東南三百五十里爲倒馬關西南二百二十里爲繁峙縣東北一百五十里爲陽和衛又東北四百五十里爲宣府廣九十五里表一百七十里由紫荆關七百里至北京由龍泉關三千五百里至南京

按州無屬邑最孤其去鄰封又最遠應三舍大同廣靈四舍靈丘五舍迎送冠蓋者春糧信宿而後返亦勞瘁矣

形勝居并代之間俯雲朔之塞恒岳表於禹貢嘔表

述於職方八山環拱而風氣聚藏八水交流而金湯
奠麗號曰神川舊志云恒岳雄鎮於南龍角雙聳於
北東接五峯西連畫錦襟開峽口帶繞渾河誠山川
毓秀之區也前人標游覽之勝目爲八景 磁峽烟
雨磁窯口早春嵐氣氤氳狀如烟雨 岳頂松風恒
山上松檜森秀風度高林聳振空谷 夕陽返照恒
山西巖日已崦嵫餘光返射入夜猶明 龍山霽雪
封龍在萬山內極高寒盛夏積雪天宇開霽皓色與
碧空相映 玉泉寒溜玉泉山上有泉清潔如玉溜
白石罅環繞古寺 柏巖秋色柏山古柏參天盛夏
無暑涼颭襲人 神谿夜月谿水環律呂祠泓湛空
碧月夕涵光空明若鑑 遠峪晴雲遠望峪飛雲卽
雨雨後淡雲蒙岫若素練輕曳來往悠然 八景具
有題詠載藝文志

按州幅員最廣三面負山峻嶺崇岡環列如障異
日者大虜闌入亦稱次衝蓋庶幾四塞之國焉若
乃山水明秀足供通人之賞猶其小者也

山川恒山在城南二十里卽北岳爲并州鎮山漢諱

文帝稱常山水經謂之玄岳古帝王巡狩北方必登
馬頂建岳廟有十八景詳見岳志 龍山一名封龍

山在城西南四十里暑月雨霽山氣上騰其色如虹
頂有萱草坡翠杉蒼檜千尺凌雲又有文殊巖大雲
禪寺金麻草有遊龍山記一統志云金末李治元好
問張德輝嘗遊此山號龍山三老有題詠失傳舊志
繫五峯山俟考 玉泉山在龍山東北五里頂有玉
泉寺玉泉水 翠屏山在城南七里山形秀麗宛如
畫屏舊有書院金狀元劉撝右丞蘇保衡讀書處
玉華峯在城南十里雙峯奪翠嵐光可掬 柏山在
城東南十里頂有惠巖黑龍池雲興甄雨郡人以爲
雨徵有柏山寺 孫贖山在城東南六十里東有孫

贖寨西有龐涓寨相距數里俗傳二將聚兵處南麓
下有石洞鑿千佛 五峯山在城東三十里山形如
掌峯如削上有五峯觀觀有三洞 龍角山在城北
二十里雙峯並出狀如龍角上有孟姜女廟 鳳凰
山在城西北七里許山形如鳳神谿水發源于麓孫
野雲築室居之扁曰鳳山書院 畫錦山在城西北
二十二里元孫公亮祖塋在焉公亮由御史累官工
部尚書予告歸故以畫錦名山 馬鞍山與畫錦山
相連形如鞍 橫山在城西二十里南北橫亘隱隱
如郭故懷縣在其左 渾河在城東南十里出嘆土

峪繞城北西流入應州境 亂嶺關水在州東四十里西流至新莊西南流 遠望峪水在州東南十里出峪卽伏至顧冊村匯澤西流 神谿水在州西北七里中有孤石方畝高丈餘上有律呂祠周環泉水歆出旁有煖水池隆冬不冰俱西南流 崞川水在州東北二十里西南流 磁窯口水在州南十里東西分流一引入城 李峪水在州西南十里西流 乳泉水在州西二十里橫山嘴側南流又名西神谿以上八水合而渾流故曰渾河注桑乾 凌雲口水在州西南三十里北流亦入渾河 瀉水在州南七里出翠屏山山海經云瀉水出高氏山蓋古今異名也東南合溫泉入靈丘界注唐河 溫泉在州東南一百里湯頭舖其水若湯浴之能愈疾 嘔夷河在州東南五十里鎗峯嶺流東南經靈丘注魏河周職方曰并州川曰嘔夷又名唐河

按代鴈門間山皆恒山支也 位置移易輒自具一結構峯巒巖穴競秀爭奇似不乞靈於恒者陟恒巔而頰視羣山直培塿耳渾河西流至龍首折而北入於桑乾踰蘆溝下流漲溢爲民害禳祀者不祝桑乾祝渾河靈異著聞遠矣

州圖經云四民氣稟淳厚各守所業而不變遷以勤儉相能舊志云民俗淳龐男子力耕不事商販婦女無蠶桑縫紉操作頗習勞苦四禮惟廢冠喪間用浮屠士人喜燕會家多蓄酒歲時重祭享元旦盛設祀先親友交賀上元釀錢張燈作戲劇清明拜掃插柳四月朝岳端陽餽粽六月六日曝衣踏麴七夕乞巧中秋切瓜餽月餅重九餽糕賞菊十月朔拜掃焚寒衣冬至不作節臘日食豆粥除夕聚族守歲盛樂煖庭

按記曰廣谷大川異制民生其間者異俗州固僻壤耳士慤民淳服用儉嗇漢志稱代俗質直朴野諒哉耳目濡染馴至紛華右族聯姻朱邸爲富貴容挾少鮮衣怒馬豪爽自快大樸漸雕矣青蘋之末當慎所以風之者焉

建置志

設險守國城池要矣堂皇莅衆鄉校育才則州治學宮次焉祠宇秩祀館舍厚賓棹楔旌閭則壇廟公署坊表又次焉若夫里社民所聚也堡寨民所保也天塹爲關日中爲市也置郵曰亭烽燧曰堠也津設橋梁墓禁樵採也皆司牧之美政也作建

置志第二

城池城舫自後唐脉從東南來結爲丘如龜形城象之雉堞屈曲宛若負書狀牆高一丈五尺周圍四里二十步池闊一丈深七尺東西二門歲久傾圮

國朝永樂二十年前守陳公淵疏請增修高半倍之浚重壕嘉靖四十五年前守顏公守賢重修城高一倍池闊二倍萬曆改元侍郎吳公兌開邊還請甃以甃前守劉公復禮守備林公鳳舉董厥役高再倍之顏其東門曰望恒西門曰平川護以甃城外又爲月城門及四隅建麗譙舖入臺六北中臺建玄武廟工竣郡人廷評翟公廷楠爲之記二十九年侍御崔公邦亮用形家言建南門僅闢雙扉樓櫓重局闕如也**附王家莊堡**堡建于嘉靖初年萬曆十年督撫鎮帥議請重修甃以甃牆高三丈壕闊一丈深七尺東西二門門及四隅有樓櫓形勢雄固州之輔車也

按州在雲中南賴重鎮爲之蔽虜患少紓迺城池一再修亦復堅深緩急可恃昔人云金城湯池此物此志也守土者可以思已

州治在忠義坊街北洪武七年判官張公溥建堂五

楹署曰牧愛左爲儀仗庫右爲幕廳兩翼爲六曹廊
廊盡左爲承發司右爲架閣庫堂前爲月臺爲甬道
爲戒石亭亭前爲儀門左右爲角門甯賓館居東偏
園土居西偏外爲大門大門前爲宣化坊左爲旌善
亭右爲申明亭知州宅在愛牧堂後有思補堂判官
宅在其右今廢更目宅在其左

按治州治也州之爲言以也三斗而後成州以鳩
聚其民也鳩之則聚弗鳩則散鳩之何以所欲與
聚而民聚矣居州治者尚其曙于州之義哉

學宮在州治西始初不可考歷遼金至元嘉定間增

修見韓國理修學記 國朝洪永間前守鄭公允先

李公信正統間判官張公福相繼修葺成化間前守
關公宗弘治間前守董公錫又鼎新之大學士萬公
安爲闢紀其事嘉靖四十二年僉事董公邦政始落
成焉中建大成殿殿兩掖爲祭器庫神廚東西翼爲
兩廡前爲戟門外爲櫺星門啓聖祠在大成殿東左
祀名宦右祀鄉賢明倫堂在大成殿後堂後爲敬一
亭堂前爲進德修業二齋學正宅在明倫堂西訓導
宅在啓聖祠後儒學大門在櫺星門東左有儒林坊
舊有鏡合軒國社學俱廢萬曆三十九年今守趙大

夫就儒學中門起高閣三重上肖魁星中奉文昌下
闕禮門四十年建尊經閣於敬一亭後藏書二十四
部蓋學入本朝凡五營繕董公錫功獨多戟門庫廚
皆其創建兩廡廣文舍皆其改作者備紀之

御製大誥一洪武正韻一洪武禮制

一逆臣錄一警惡錄一彰善瘴惡錄一孝順事實一
爲善陰騭一諸司職掌一大明律一仁孝皇后勸善
書一表箋式一卧碑一四書大全一易傳大全一書
傳大全一詩傳大全一春秋集傳大全一禮記集說
大全一孟子節文一書傳會選一列女傳一韻會一

學規一

按州學開科以來掄魁升甲後先相望乙卯至今
士罕得儁形家執其咎矣大夫雅意作人閣于坎
樓于巽形勢昂聳風氣聚藏掄魁升甲之盛從茲
復振是大夫大有造于渾庠也鄉先輩劉撝氏首
廷對于閏朝况涵濡

聖化者哉

社稷壇在城西一里 風雲雷雨山川壇在城

南二里前守盧公點建齋宿廳三楹于東 厲壇在

城西一里 文廟 文昌祠見學宮 北岳廟見岳

志 東岳廟在東門外元大德間建 城隍廟在州

治西北成化初建 玉皇閣在城中央 三元廟在

東門甕城內 聖母廟在州東門外 真武廟在北

城上嘉靖二十六年建 關王廟二東西甕城內萬

曆間建 二神祠在州治北成化初建祀關王二郎

神 龍王廟二一在西門外一在恒山下 馬神廟

在州治東北 律呂神祠在城西北七里神裕中石

上建自元魏唐末元至元間 國朝成化間重修有

志異見藁紀 孟姜女廟在城東北二十里龍角山

上 孫真人廟在城隍廟東 太白祠在磁窯口內

祀唐翰林李太白

附家廟王文端公祠在大柯枝公家世山陰別族徙

居於此建祠祀公

按三壇二丁國有常秩其牲幣儀節載在

令甲畧不書

恒岳表鎮玄方宜隆

柴望之禮而祀典久未釐正寔

熙朝闕事焉諸不在祭法而血食已久者有其舉之

莫敢廢也

署察院二州治東一州治北一洪武中爲布按分

司弘治二年前守董公錫改署府館一在州治西亦
董公錫建守府在州治東南弘治二年守備劉公欽
建千戶所二中所在守府左前所在守府右永樂二
十年指揮趙祥建操守府一在王家莊萬曆十年操
守孫建倉三廣儲倉在州治北預備倉在州治東種
子倉在州治內今廢草廠一在州治北驛二上盤舖
驛在州治南王家莊驛在城南九十里巡檢司一在
磁窯口內醫學一在州治東陰陽學一在州治西僧
正司一在永安禪寺道正司一在龍泉觀養濟院一
在州治北迎官亭一洗冤亭一俱在西關外

按察院府館部使者駐節之地也倉場儲積所在
也驛遞巡檢供帳邏道所在也陰陽醫學僧道司
技藝祝釐所在也皆州之公署也備書之其不領
于州而建置于州者並載焉

坊表 宣化坊在州前 儒林坊在學前 乙丑進士
坊爲劉謙立 甲申進士坊爲黃直方立 甲戌進
士坊爲王上齡立 攀龍坊爲白英立 丁丑進士
坊爲張子衷立 昂霄坊爲孫廸立 毓秀坊爲葛
覃立 國瑞坊爲李同立 登雲坊爲楊定立 折
桂坊爲薄晉立 凌雲坊爲李彝立 虎榜坊爲黃

克中立 躍龍坊爲張翔立 明經坊爲孔榮立

擢秀坊爲黎昕立 飛熊坊爲孫逢吉立 大方伯

坊爲孫逢吉立 癸酉舉人坊爲田茂立 鄉進士

坊爲王延齡立 世美坊爲李庠立 青雲坊爲張

輝立 世科坊爲李序立 晝錦坊爲郭容立 經

魁坊爲黎廷臣立 步月坊爲盧盛立 經元坊爲

郭重立 雲程坊爲楊大雍立 繼芳坊爲郭璋立

鵬程坊爲孫明立 庚午舉人坊爲吳東周立

奪錦坊爲郭衛民立 經魁坊爲翟廷楠立 父子

鴻臚坊爲劉斌劉忠劉恕立 兄弟鴻臚坊爲全岐

全昆立 貞節坊爲孫氏張謙立 忠義坊爲寺丞

張汝舟立 孝行坊爲主簿石鼎立 孝行坊爲縣

丞王誠立 皇恩褒寵坊爲封文林郎翟蓬立 進

士坊爲翟廷楠立

按旌閭之典非名卿高第不與而孝子貞婦間叨

異數綦榮矣顧坊表相望金碧輝煌者叢譏榷楠

剝落者永譽人所爲不朽計獨此棹楔乎哉

州編戶十四里曰迎翠廂里忠義坊里武村里

蔡村里韓村里畢村里西留村里寇家寨里中威毛

里荆家莊里王家莊里金峯里黎園里水磨園里

堡寨州東者十有二曰張家莊沙嶺舖亂嶺關許村
武村峯臺舖塔兒村王千莊沙窟陀楊家莊沙河堡
磁窯淘沙舖峪南溝小道溝鐘撞堡大柯枝羊頭崖
鷓窩舖蔡家峪趙壁牛還堡湯頭村州西者十有七
曰東方城郭家莊荆家莊新坊村澗村堡西方城顧
關堡寇家寨賈莊堡凌雲口下凌雲李峪舖晉家莊
西戚毛東戚毛郝家寨裴村州北者二十有二曰土
橋舖窯村留村神頭寨海村堡孫臍寨韓村堡蔡村
堡翟家岔吳城堡麻家莊窟陀舖畢村堡花家壠上
韓村李千莊水磨壠顧冊村窰裏堡直道口老信窰
寶峯村

按州土曠人稀生齒銷耗死在編民者曾不及大
郡之一鄉卽諸村堡被原谷亦未見鱗次櫛比烟
火相望雞犬聲相聞也村循安輯之畧豈異人任
哉

關市西關城在城西弘治二年前守董錫勅築東西
二門萬曆四十年重修甃以甃磁窯口關在城南
十七里洪武四年建設巡檢司亂嶺口關在城東
四十里洪武七年建設巡檢司今章凌雲口在城

西五十里 石橋市逢四日集 西門市逢六日集

南門市逢九日集 西關市逢一日集

亭 猴亭舖也置郵以傳命者猴整也烽燧以傳警者

舖凡二十有三總舖在州治西東路四曰峯臺舖沙

嶺舖楊家莊舖亂嶺關舖南路十曰磁窯口舖上盤

舖青磁窯舖淘沙嶺舖鎗峯嶺舖鐘撞舖講堂舖大

柯枝舖王家莊舖湯頭舖西路五曰郭家莊舖荆家

莊舖裴村舖方城舖寇家寨舖北路四曰土橋舖榆

林舖閭家嶺舖窟陀舖整凡十有五北路四曰神頭

整韓村嶺整兩架山整六龍洞整西路三曰橫山兒

整駝峯整安六營整南路八曰磁窯口整

沙舖整鎗峯嶺整講堂舖整大柯枝整牛碧山整聖

佛崖整

按州在鴈門外凌雲諸隘代繁峙守之磁窯口靈

丘守之於渾猶反鍵亂嶺關廢卽不廢無當於險

市則西關者盛費用物不貴異物納價觀好儉可

徵焉舖僅供急遞整星列碁布寔虛無人虜猝入

烏睹所謂烽燧舉哉可虞也

津梁樓閣虹橋在磁窯口內鑿兩峽駕巨梁構樓于

上飛雲捲雨綽有勝槩據以守口又稱天險云今廢

渾河橋在城西北八里成化元年建今廢 太白橋在城北五里弘治三年建今廢 恒流橋二在東西門外

按州無大川卽渾河曠時僅一衣帶褰囊可涉也秋潦大至橋必解雖徒杠輿梁無所用之矣虹橋遺蹟故在修復易易耳

丘墓金狀元劉撟墓在州北二十里 右丞蘇保衡墓在城西北七里岡下 御史劉從益墓在城東二十里 御史雷淵墓在城西北十七里 大學士雷濟墓在城西北十五里 元都元帥高定墓在城西

南二十五里 尚書孫公亮墓在城西北二十五里 畫錦山之陽 國朝大方伯李彝墓在城東北二里 許 大方伯孫逢吉墓在城東北二里 贈知縣翟逢墓在城東北十五里龍角山之陽 大理評事翟廷楠墓在城南二十里長材嶺之陽

按墓大夫所掌前代有起冢者斷碑危獸衰草寒烟令人有北邙之感語云生王廬不如死士墓豈重此一抔土哉噫嘻

食貨志

禹貢差次方內土田以冀州爲中中州固冀地迺

土多磽确馮鹵民復疇零不任耕安在其爲中中
也夫有田有身則有租庸食土之毛者義不得逃
賦役顧民所疾苦豈盡在賦役一切權估筭歛猝
不可蠲司牧者委曲調停稍紓黔首毋竭澤毋反
裘令民得自食其力以供上其物產亦可紀矣作
食貨志第三

戶口 洪武二十四年戶一千八百三十二戶口九千
五百七十四口 萬曆十九年戶一千三百九十七
戶口一萬二千二百四十三口 四十年戶一千三
百七十九戶口一萬二千一百二十一口男子八千
二百三十五口婦女三千八百八十六口匠五十二
口醫三口陰陽十六口僧七口道六口廚三口樂十
七口流寓二十口

田賦 洪武二十四年官民田二千一百九十九頃九
十四畝九分 賦總一萬四千五百石八斗四合四
勺三抄 夏稅五千八百四十九石八斗一升五合
四勺九抄五撮 秋糧八千六百五十五石九斗八
升八合九勺四抄五撮 馬草五萬八千二十三束
二分 萬曆十九年官民地七千九百九十五頃四
十九畝四分三釐 賦總一萬四百五十五石五斗一

升九勺 夏稅四千二百一十八石一斗二升四合六勺 秋糧六千二百二十八石三斗二升七合三勺

馬草二萬七千七百九十四束九分 腳價銀二百八十一兩四錢四分八釐九絲八忽六微 牛

銀五百四十二兩 驛糧三百三十五兩二錢八釐

四十年官民地二千五十二頃三十三畝三分

賦總一萬四百四十六石四斗五升二合三勺

夏稅四千二百一十八石一斗二升四合六勺 秋糧六千二百二十八石三斗二升七合三勺 馬草

二萬七千七百九十四束九分 腳價銀二百八十一兩四錢四分八釐九絲八忽六微 金菜銀六百

七十二兩八釐 解府銀一萬二千六百四十三兩二錢四分一釐五毫 夏秋存留共五百五十二石六斗

給官吏師生俸廩折銀五百五十二兩六錢 歲辦皮張銀十四兩五錢 課鈔銀五分七釐

商稅銀二百一十兩 站糧每石徵銀八錢共銀二千七百八十四兩 在城馬頭七十名王家莊驛四

十六名募夫每名給銀二十四兩 一條鞭通共夏秋馬草腳價金菜俸廩召募馬頭共徵銀一萬五千

四百二十七兩二錢四分一釐五毫

下 萬曆四十年審編在冊人丁共一萬五千七百九丁門則每丁則派銀一兩八錢各丁則不等遇閏加銀五分七釐通計連閏共銀五千九百兩七錢七分閏年外加銀二百五十五兩四錢五分共銀差三千九百三十二兩一錢二分 解上有分巡道大同府祇候馬丁銀三百五十九兩九錢五分王府校尉銀二百六十四兩邊軍胖襖銀八十六兩一錢曆日銀三兩共銀七百四兩五分 存留在本州祇候馬丁銀一百五十二兩儒學齋膳夫銀七十八兩歲貢科舉祭祀鄉飲館支雜費銀共一千五百五兩一錢

共力差銀一千七百二十一兩二錢 上司有分巡大同陽和三道戶部本府中路理刑防夫阜快門役庫夫禁子輪夫共二十五名凡七項工食銀三百六十兩 本州皂隸二十六名半快手八名接遞擯夫八十三名六房書識一十八名庫夫一名門子二名禁子六名倉場斗庫二名舖司兵五十名更夫三十七名巡攔二名儒學門子六名弓兵一十六名凡十四項工食銀二千七十九兩六錢俱二年一派

按塞上恒風早霜歲罕中孰民亦稍疎惰鹵莽其耕耘幾于不殖矣揚州厥土下下今爲財賦藪豈

地以時變則民事勝也服先疇者其無待田畷之督哉

物產周禮并其畜宜五擾其穀宜五種今穀有黍稷稻粱菽有豌豆扁豆蔞豆黑豆黃豆豇豆白豆大豆小豆麥有來麩苽菰麻有苧麻苧麻苧麻蔬有黑白芥芹蔥蒜韭菠菠著蓬高苣菜麻葛青蒲芡薹蕈茶菹茄瓠瓜有西瓜王瓜甜瓜菜瓜苦瓜絲瓜南瓜木瓜果有五類核果則棗杏桃李肩果則梨沙果花紅楸子金櫻子殼果則榛栗石櫛檜果則松子柏仁角果則刀豆龍爪豆羅帶豆羊頭豆木有松柏檜栝杆檉檉榆槐桑柳花有芍藥葛薔薇葶草卷丹山丹鳳毛玉簪玉梅葵菊雞冠石竹羽族則鷺鴨雞鴿雉雀鸛烏鴉鷹鷓布穀鷓鴣伏翼鴟鵂毛族則馬牛騾驢羊豕貓犬虎豹熊罷麇麀麂豺狼獾狸狐狸鼠兔水族則鱸鯉鰕鯽藥則芍藥麻黃薄荷益母枸杞牽牛荆芥紫蘇甘草升麻羌活知母茅香桔槔槩柴胡木賊三稜黃芩防風蒼朮黃精茯苓黃耆白芷側柏葉王不留行百部百合遠志五方草車前子黃連酸棗仁土則有紫土粉土包金土炭則有肥炭煨炭器則有磁峽窯器餅罌盆盎之屬

按問國之富則數山澤所出州故無陂池巨浸迺
恒山夙稱材藪邇惟

岳祠下喬木千章干雲蔽日餘若君山之楮矣水草
可以孳牧亦未覩牛羊以谷量也籬落下少蔬果
及家畜野鮮其爲物產不亦銳乎

兵政志

天生五材誰能去兵兵而無政猶無兵也款塞以
來臥鼓寢烽士嬉于伍不復修戰守之具矣語云
不備不虞不可以師潭卽有山險非內地蔚蘿雲
應間時震鄰烏可廢武備不講哉作兵政志第四

兵籍

中屯衛中前二所原額官軍二千四百四十六

員名見在官軍六百二十八員名中所二百一十八
員名前所四百一十八員名指揮二員千戶六員百
戶七員管隊二十名馬軍五十名步軍四百四十二
名原額馬三百八十三匹見在馬一百九十四匹月
糧銀五百四十八兩布花銀五百七十七兩四錢四
分馬草一千二百束料豆九十五石 王家莊操守
一員坐堡一員百總二員管隊八名馬軍十名步軍
一百九十名馬十四匹月糧銀一百二十三兩布花銀
三百六十兩馬草一百九十束料豆九十石

原額屯田地畝地六百六十九頃七畝七分
中所二百三十五頃一十二畝前所四百三十三頃
九十五畝 屯田夏秋糧二千一百九十八石草四
千三十束 地畝地夏秋糧三百四十九石八斗一
升二合草一千三百二十四束 牛犂地九十六頃
六十一畝一分牛犂銀六十九兩二錢四分草七百
三十七束 二所尖丁銀二百六兩四錢徵解山西
行都司庫

器械中屯中前二所共盔甲五百五十八副鎗二十
八桿刀五百五十八柄弓二百二十四張箭六千七
百二十枝大將軍砲四位雜砲一百五十六枚火藥
一百五十斤貯神機庫 王家莊盔甲十副刀十七
柄弓七十五張箭三百枝大將軍砲四位雜砲三十
枚火藥七十斤

方畧永樂二十九年北虜入寇調安東中屯衛中所
前所官軍軍册建衛所駐劄守禦中所屯西照寺軍砦
前所屯中營岩雙泉岩 弘治二年設守備一員操
練備禦以都指揮劉銳充其任銳建衛修城設掾房
營神機庫拓演武場飭器械金鼓軍威大振 隆慶
初年議修許家等堡六十六座分巡道王公彙征監

工四年報完

按虜入內地則鎮帥趣偏將軍提師聲援衛所官軍職在城守不責以戰也渾所恃者堅城深池又天幸不中虜故方畧無可紀僅籍其士馬兵餉如左要之餉必歸卒卒必歸障障必歸險而城守固卽以之戰可矣

職官志

漢二千石刺郡兵農薦辟寔兼總馬府設而州夷于邑名爲專城兵政乃別有統守權始分顧所不隸者尺籍耳受策秉成守陰操其重何渠不若漢刺史哉幕僚掌故之屬于守則所由來遠矣作

官志第五

官制 文職知州一員同知一員判官一員吏目一員後同知判官俱裁革儒學學正一員訓導一員廩膳生三十名增廣生三十名附學生無定額倉大使一員場大使一員巡檢司巡檢二員一裁革陰陽學典術一員醫學典科一員僧正司僧正一員道正司道正一員 武職守備一員中軍一員所掌印二員軍政一員巡捕一員把總一員

題名 知州元田治 趙燁順德唐山人 國朝鄭允

先天台人由明經洪武十三年任見宦蹟周郁齊東人

由監生永樂二年任見宦蹟陳淵巴陵人由舉人永

樂間任 王睿宿遷人由監生永樂間任 張欽順

義人由監生宣德間任 宋傑安肅人由監生正統

間任 洪熊金華人由進士正統間任 王從平度

人由舉人正統間任 李達武強人由監生景泰初

任 鄒銘醴陵人由監生景泰間任 李哲藁城人

由舉人天順初任 沈肅浙江山陰人由舉人天順

間任 陳綱錢塘人由進士天順間任 關宗南宮

人由舉人天順七年任 王鉞河南人由舉人成化

八年任 張文質扶風人由舉人成化二年任

蹟馮珪懷柔人由舉人成化十四年任 楊健青城

人由監生成化二十年任見宦蹟董錫會稽人由

監生弘治二年任見宦蹟魯鎧獻縣人由舉人弘治

八年任 陳梁涇陽人由舉人弘治十年任 楊澤

西鄉人由監生弘治十五年任 張琦商人由舉

人正德間任 鄭綸鄭州人由舉人正德六年任

劉仁寬河衛人由舉人正德七年任 許繼章丘人

由舉人正德九年任 岳巍歷城人由舉人正德十

二年任 龔宗道密雲人由監生嘉靖元年任 魯

錢旬容人由舉人嘉靖二年任 侯瑩諸城人由舉人嘉靖四年任 文三畏廣寧衛人由官生嘉靖十四年任 丘鎧乾州人由舉人嘉靖十六年任 錢淵靈璧人由舉人嘉靖十七年任 見宦蹟 顧相順義人由監生嘉靖二十年任 劉崑成山衛人由監生嘉靖二十一年任 見宦蹟 張文明開封人由舉人嘉靖二十六年任 傅以中南鄭人由舉人嘉靖三十二年任 見宦蹟 韓廷學涇陽人由舉人嘉靖三十五年任 張汝能濟南人由舉人嘉靖三十六年任 趙孟乾醴縣人由選貢嘉靖三十八年任 王賓

賢河間人由舉人嘉靖四十一年任 顏守賢

人由舉人嘉靖四十三年任 康朴長安人由舉人

隆慶四年任 劉復禮山海人由舉人隆慶六年任

見宦蹟 王元弼涇陽人由舉人萬曆八年任 毛

似荀掖縣人由恩貢萬曆十四年任 李應奎鄒縣

人由歲貢萬曆十六年任 安傳教荏平人由舉人萬

曆十八年任 宋應試靖海衛人由選貢萬曆二十

一年任 劉承勛咸寧人由舉人萬曆二十六年任

見宦蹟 盧黈獻縣人由舉人萬曆三十年任 何維

誠南昌人由舉人萬曆三十四年任 趙之韓汜水

人由舉人萬曆三十八年任

同知元劉世忠東勝人

吏目國朝王成鄂縣人由監生成化十七年任 趙

克明臨城人由監生弘治二年任 方俊西鄉人由

監生弘治十五年任 馬元文登人由監生弘治十

八年任 徐恩深州人由監生正德二年任 韓璋

錦衣衛人由監生正德五年任 李舉灤州人由監

生正德七年任 楊爾直隸清源人由監生正德十

一年任 王休清平人由監生嘉靖元年任 石璉

柏鄉人由監生嘉靖八年任 張綺吳橋人由監生

嘉靖十年任 薛澤廣寧衛人由監生嘉靖十五年

任 陳策青城人由監生嘉靖十九年任 張鉞臨

潼人由吏員嘉靖二十二年任 孫儒滿城人由吏

員嘉靖二十六年任 劉承儒歷城人由知印嘉靖

三十年任 夏建寅德州衛人由監生嘉靖三十四

年任 張堯隆濟寧人由吏員嘉靖三十八年任

趙廷珮磁州人由吏員嘉靖四十三年任 趙俊隆

慶元年任 高謙隆慶四年任 朱思仁隆慶未任

崔世柏萬曆二年任 王楠景州人由監生萬曆

十五年任 惠極江都人由吏員萬曆十七年任

王應時神武中衛人由吏員萬曆二十四年任 楊英清江人由吏員萬曆二十七年任 李守貴睢州人由監生萬曆二十九年任 孫宗信掖縣人由吏

員萬曆三十一年任 王國興三原人由吏員萬曆三十二年任 婁登高唐縣人由監生萬曆三十四

年任 周大綱嘉興人由吏員萬曆三十五年任 陸紳宛平人由吏員萬曆三十八年任

學正季汝麗水人由舉人永樂間任 見宦蹟 張尹賓 慈谿人由舉人宣德初任 于璧新城人由舉人成

化初任 見宦蹟 沈明水鹿人由舉人成化間任 程 泓阜城人由監生成化十五年任 高賢開州人由

舉人成化十八年任 劉景清波人由監生正德 四年任 楊勉之安定人由監生正德八年任 厲

景章日照人由監生正德十五年任 李鳳梧武強 人由歲貢嘉靖二年任 周宏威寧人由歲貢

劉志忠獻縣人由歲貢 王室隆慶人 由歲貢 高閔鄆州人由歲貢 吳

約順義人由監生 劉子龍密雲人由歲貢 王介新安人由歲貢 杜科唐縣

人由歲貢 劉江遵化人由歲貢

梁志官定襄人由歲貢

白紳宣府人由歲

貢

魏尚賢遷安人由歲貢萬曆十六年任

薛郡安邑人由選貢萬曆二十七年任 沈學無

錫人由舉人萬曆二十八年任 見宦蹟秦文奇無極

人由歲貢萬曆三十年任 晁末嘉平陸人由歲貢

萬曆三十四年任 趙騎鯤文水人由歲貢萬曆三

十五年任 王一政保定人由恩貢萬曆三十七年

任 邢九成孟縣人由歲貢三十九年任

訓導范英肅寧人由舉人宣德間任 劉翊吉水人

由儒士宣德間任 馬顯濟縣人由監生正統初任

李端鞏縣人由監生正統間任 張福南陽人由

舉人景泰初任 鮑宜樂平人由儒士景泰間任

劉端寧州人由舉人天順間任 馮俊易州人由監

生成化七年任 宋清獻縣人由監生成化十年任

王理高陵人由歲貢 劉清興州前屯衛

人由歲貢 史宜新城人由歲貢

劉鉞長山人由歲貢 耿嵐開州人由歲貢

劉漢卽墨人由歲貢 胡輔贊皇

人由歲貢 張穆岐山人由歲貢

鄭祿陳州衛人由歲貢 孫志鳳鳳翔人由

歲貢

唐時玉田人由歲貢

李欽

臨漳人由歲貢

藍鏞定州人由歲貢

單宜咸陽人由歲貢

郝鳳保定人由

歲貢

周朝獻灤州人由歲貢

楊

文輝灤城人由歲貢

褚志仁涑水人由歲

貢

霍貴霑化人由歲貢

孫鸞山

海人由歲貢

葛鏗保安人由歲貢

張東濟寧人由歲貢

張學夔益都人由

歲貢

程稹大名入由歲貢

戴公

清懷來人由歲貢

張一貫岷州人由歲貢

某年任

桑桐榆次人由歲貢某年任

陳樞忻州

人由歲貢某年任

王鴻漸宜川人由歲貢某年任

趙漢定興人由歲貢某年任

龔天祿萬全人由

歲貢某年任

王好禮繁峙人由歲貢萬曆十九年

任 李燁之壽陽人由歲貢萬曆二十一年任 張

文翼絳縣人由歲貢萬曆二十六年任 竇養浩興

平人由歲貢萬曆三十二年任 白濟民寶雞人由

恩貢萬曆三十五年任 劉節新安人由歲貢萬曆

三十六年任

守備劉鈞某衛某官某年任

柴茂某衛某官某年

任 張勇某衛某官某年任 施云某衛某官某年任
任 朱鳳某衛某官某年任 麻芳某衛某官某年任
任 關山大同人某年任 周鎮大同後衛人某年任
任 徐文某衛某官某年任 韓欽大同後衛人某年任
年任 李景大同左衛人某年任 王欽北直隸人某年任
某年任 李幹大同人某年任 秦鼎大同人某年任
任 李璽大同後衛人某年任 馬昇大同前衛指揮使某年任
曹鎮大同陽和衛人某年任 夏邑居庸關人某年任
李錦平虜衛人某年任 張淮懷安人某年任
單欽威遠衛人某年任 汪洪山

陰人某年任

江大同後衛人某年任

張

同陽和衛人某年任

劉永昌大同陽和衛人某年任

任 徐玄天城衛人某年任

潘縉大同左衛人某年任

年任 曹雄大同右衛人某年任

方琦大同右衛人某年任

人某年任 陳周懷安人某年任

許寔陝西人某年任

年任 王芝保定衛指揮同知某年任

蔣諫保定

衛指揮僉事某年任

季潮陝西綏德衛人某年任

蕭文奎陝西延安衛指揮同知某年任 劉芳大

同前衛指揮僉事某年任

崔環并坪衛指揮同知

某年任

吉釗大同前衛左所試百戶某年任 劉

東大同後衛指揮使某年任 陳國策懷安衛武進士某年任 王希曾大同後衛指揮僉事某年任

林鳳舉大同右衛指揮使某年任 錢祿平虜衛試

百戶某年任 丁珠山東青州衛武舉某年任 劉

滋湖廣承天府人武進士某年任 何國胤大同右

衛正千戶某年任 郭翰勳大同後衛指揮某年任

鄭祿定州衛指揮某年任 朱孔揚山陰所鎮撫

某年任 遼源大同衛鎮撫某年任 喬承恩大同

衛人某年任 楊鎔錦衣衛武進士某年任 陳堯

典高山衛武進士某年任 鄒尚信大同衛人某年

任 胡從化金吾衛武會舉某年任 宋一山曲周

縣武進士某年任 李承芬靈璧縣人某年任 厯

文孝大同右衛右所百戶萬曆三十九年任

宦蹟知州鄭允先天台人由明經洪武十三年任草

昧之初版圖新附愛民如子無所侵漁盡理公事于

堂夜講經史于學教民力田貧不能具耒耜者勸富

民分給之田野開闢衣食滋豐州民迄今有永思焉

周郁齊東人由監生永樂二年任時飛蝗害稼齋

浴告天蝗徙他境南山有虎噬人又齋浴禱岳廟設

穿山下曰噬人者入此是夜虎果入穿以憂去後陞

知府民到于今稱之 張文質扶風人由舉人成化
十年任有學行諳于政事妖狼爲祟牒城隍攝狼至
磔于南壇之右大旱禱雨輒應郡人立碑頌之累陞
至知府 楊健山東青城人由監生成化二十年任
剛介有爲修倉廩積儲時以賑州民頌聲大作 董
錫大醫院籍會稽人由監生弘治二年任質性廉明
才猷練達力精振作百廢俱興營繕學宮剏修郡志
尤其績之著者游庠序而徵文獻遺澤遠矣後陞宗
人府經歷 錢淵靈璧人由舉人嘉靖十七年任才
諸優長剛毅有執學宮講學言已過和遇事與上官

爭輒侃侃不少遜竟以此罷歸 劉昂成山衛人
監生嘉靖二十一年任于安魁岸氣度高明剛果自
持不畏強禦杜私謁嚴橫民蓋以嚴治者也休致去
士民遮道不忍別云 傅以寧南鄭人由舉人嘉靖
二十二年任才識明敏器宇軒昂文學精純政事修
舉公餘讌集飲酒賦詩瀟然自得也坐謗去公論惜
之 劉復禮山海關人由舉人隆慶六年任介直廉
平御下嚴肅吏不得舞文民不敢健訟追呼絕少刑
獄幾清接士大夫禮甚殷而畧不訖法禱雨至易寢
食早不爲災剏議城工力省繁費又勤于督勸踰歲

告竣民不知有畚築之役也置學宮祭器建鄉賢名
宦祠月校士出俸金佐食貧不能舉喪昏者厚爲賑
恤士民胥頌德焉州治有苦井驟變甘味郡人異之
立石紀其事居八年政成奏最陞工部都水司員外
郎去之日老幼攀卧車柅不行可謂循吏矣 劉承
勛咸寧人由舉人萬曆二十六年任賦性寬仁刑清
政簡疎網闔目絕無煩苛民戴之若慈母嘗有疾走
望祈禱願以身代者巷無居人竟引疾去民至今思
之如一日也

學正李敦麗水人由舉人永樂間任刻志力學端楷
誨人講業論文悉中肯綮士咸速肖甲午得儒者四
多其造就之力焉至今景行無斁也 于璧新城人

由舉人成化初任學問倣長楷模峻整集諸生號舍
朝夕訓迪不休以故人材極一時之盛後徵爲御史
沈學無錫人萬曆二十八年任下帷苦攻擁比課
讀時焚香晝茗召諸生與語輒過丙夜立文會手爲
甲乙養餐佐以齋俸不問行脩有無皆收之講席教
思無窮矣

守備劉欽弘治二年任時方重武以才勇見推擇修
城浚壕建衛宇飭器械造火器闢教場自是城守嚴

軍威振郡人迄今賴若金湯也 林鳳舉右衛人萬

曆元年任清操甚嚴修守有備簡兵訓士法度整齊
甃城之工與山海寔董厥役勲並懋焉陞河南都司
喬承恩大同衛人萬曆十八年任慈祥待下而紀

律不弛行伍況而畏之修甃城外牆易污墁以甃建
射圃亭於東門壕上訓練保障咸合古兵法韜鈴不
易得也累陞北京僉樞 胡從化金吾衛人萬曆三

十年任賦性文雅謙和撫士卒如嬰兒盡革軍中月
錢囊橐如洗至脫簪珥延過客時與文墨士爲布衣
飲投壺散帙莫辯其非青衿也陞遼陽都司去之日

禁轍滿道可謂儒將矣

按州自洪永迄今守五十一舊志所稱宦蹟語類
書考不足據其事蹟可紀者纔十人耳天台草剗
郡事首開教養百世之利也齊東穿虎扶風磔狼
異矣青城建殿會稽繕學至今賴之靈壁不阿上
官成山不畏強禦南鄭不廢吟詠剛柔勞逸亦各
有致山海拮据城工功在保障寬嚴互用吏畏民
懷咸寧清靜不擾與民休息皆庶幾古之循吏哉
幕官承倅之鞅掌吏事何無一表見者豈燭火難
爲光歟廣文一片席前有麗水新城後有無錫首

著齋頭寔藉以生色馬車城著者劉最遠最有聲
林與胡恂恂儒素庶幾射不穿札者喬饒于將畧
有功薊門駸駸貴顯名不虛附耳嗟乎官無崇瑣
斬于稱職口碑載道民譽寔難柱茲土者尚考鏡
于斯云

世曾指揮使趙復振以始祖祥過江功世襲 麻惟
廉以始祖成征南功世襲 龔業以始祖得全過江

功世襲累官至總兵

千戶陳帝道以始祖興過江功世襲 張膺以始祖

性過江功世襲 李忠以始祖成過江功世襲 侯

傑以始祖興征北功世襲 湯汝夏以始祖過江功

世襲 申繼芳以始祖旺過江功世襲 陳仲禮以

始祖鐸過江功世襲 蔡玠以始祖裕過江功世襲

蔡鼎以始祖勝過江功世襲 張甲以始祖福

過江功世襲 馬繼先以始祖忠討賊功世襲 黃

禎以始祖祖二過江功世襲 姜國楨以始祖小二

過江功世襲 董朝政以始祖貴過江功世襲 趙

國輔以始祖可行討賊功世襲 彭緒以始祖仲淵

征北功世襲

按鷓弁之輕極矣其先人枕戈衽甲萬死一生以

海州志 卷一
有帶礪而子孫或隊其家聲賞不延後悲夫絕統
絳而習歿鈴以報

國顯世顧所自樹何如耳

選舉志

夫里選變為辟舉辟舉變為制科士舍此無由進
矣洪未宜德間名公鉅卿或以他途進進士銓乃
在六館下逮甲榜簡重非進士不得陟卿貳卽進
士不由中秘亦不得升揆席他途益詘鄉舉極崇
臚以藩臬爲九命任子初秩較華限格與鄉舉等
貢盛于萬曆初今復不振貲選又其亞者武科掌
之司馬國家取士法止此耳州不乏甲榜而最顯
者不盡甲榜中人也惟曩時爲然哉乃次其大槩
作選舉志第六

薦辟 元雷膺徵爲翰林院修撰歷集賢院大學士諡
文穆見人物國朝楊時春洪武五年舉明經授本州

學正 白叔敏洪武中舉人材授湖州知府 趙聚

永樂初舉授吏部主事 楊文質永樂初舉授濬縣

縣丞 安直方正統中舉授新河縣縣丞 劉斌天

順間舉授鴻臚寺序班 仝岐成化間舉授鴻臚寺

序班 孫聰成化間舉授中書進禮部司務

進士金天會二年劉馮狀元及第見人物楊暉三甲

第 六年蘇保衡二甲第見人物雷發二甲第 石

詡三甲第 十年雷嗣卿二甲第 樂著三甲第

皇統二年王全二甲第 天德三年劉汲馮之子二

甲第見人物王企二甲第 張好古二甲第 周仁

彥三甲第 魏宗元三甲第 劉仲澤三甲第 劉

仲瀛三甲第 雷思三甲第見人物貞元二年雷志

思之第三甲第 大定七年劉瀛三甲第

十年劉侃三甲第 十三年何美中二甲第 明

昌二年馬丙二甲第 承安二年劉儼三甲第 趙

君賁二甲第 大安元年劉從益汲之子二甲第見

人物至寧元年雷淵思之子一甲第見人物 正大六

年劉從禹三甲第 國朝洪武十八年劉謙二甲第

永樂二年黃直方三甲第授行人司行人 景泰

四年王上齡三甲第授刑部主事 正德十二年張

子衷二甲第授工部郎中陞知府 隆慶五年翟廷

楠三甲第授涇陽縣知縣陞大理寺評事見人物

國朝永樂三年白英授訓導陞教諭 九年葛

亶授涇南縣知縣 張翔授宜君縣縣丞 十二年

李養授河南道御史累陞浙江左布政 楊定授武

定州知州陸同知 李同授曲周縣主簿 薄縉授

開平衛經歷 十五年孫迪授偃師縣知縣 十八

年黃克中授學正 宣德元年孔榮授威縣教諭陞

教授 正統六年黎昕授教諭陞助教 十二年孫

逢吉授延長縣知縣薦廣西道御史累陞陝西布政

使見人物景泰四年田茂授泚州衛經歷 七年王

延齡授長縣訓導陞洵陽縣知縣 李序彝之子

天順三年張輝授彰德府通判陞河南府同知 六

年李序彝之子授肅寧縣知縣 成化元年郭容授

寧海州知州見人物十年黎廷臣昕之子授蒙陰縣

知縣 十六年盧盛 郭壘容之子授沂州知州

楊大雍授資縣知縣 弘治二年郭璋容之子授歙

縣知縣 正德二年孫明逢吉之子 五年吳東周

授渭南縣知縣陸太僕寺寺丞 十四年郭衛民順

天中式壘之子 嘉靖三十四年翟廷楠官見進士

貢士國朝洪武年田忠授戶部主事 姜楫授鳳縣

訓導 王子環授延長縣訓導 白彥方授富峪衛

經歷陞陝西右叅議 喬彥文授福建都司斷事

侯彥質授福建都司經歷 陳彥通授邵陽縣縣丞

田彥方授渭南縣教諭 鄭叔端授丹稜縣知縣

黃士通授南和縣知縣 末樂年趙彥弘授黃岩

縣主簿 魏璉授兵馬司指揮 楊有亨授汝寧府

同知 白真授遵化衛經歷 于讓授旗手衛經歷

陞州判 張欽授吏目 李拜授甘州苑馬寺錄事

羅得中授通州衛經歷 周岩授淮安府通判

靖宜授蘭縣知縣 陳進授恩縣知縣 劉郁授三

河縣主簿 郭杲授開城縣知縣 劉淵授戶部主

事 郭亨授大興縣知縣 劉浩授順慶府檢校

李林授淇縣知縣 郭彝授南和縣訓導 張惟授

杭州前衛知事 宜德年王白 穆深 楊巽 王

懋授容城縣知縣 郭鼎授通州衛經歷陞儀封縣

知縣 正統年馬良授會寧縣縣丞 張翰 張釗

授衛輝府經歷 黃鐘授吳橋縣主簿 張翻授劔

州吏目 王文授馬湖府照磨 閻處授元城縣知

縣 李端授丘縣知縣 徐鳳 景泰年仝俊 張

祿授陽穀縣縣丞 張宏授蘇州府經歷 孫仲義

授河間府照磨 白瑄 王誠授慶都縣縣丞 胡

璉授剡城縣縣丞 王克中授桃源縣縣丞 高明

授齊河縣縣丞 天順年盧氓授裕州判 盧景方

李杲授高唐州吏目 楊榮授濟南府檢校 高

亮授彰德府知事 李聰授內丘縣主簿 張睿授

平原縣縣丞陞州判 段有序授保定州水關巡檢

楊溫 吳誼授固原衛經歷 張福授錢塘縣主簿

張九成授通州稅課局大使 李泰授華亭縣主

簿 高舉授嘉定縣主簿 郭璉 李森授河間府

知事 趙清授涑水縣主簿 郭寬授留守衛經歷

成化年于瓚 左達 李清 吳中授上海縣縣

丞 王傑授涑水縣訓導 邢釗授按察司知事

杜愷授黎州安撫司吏目 白鉞 李鵬 常福

馮繼 楊觀 全鏞 張從 文英 胡永清 琦

志茂 弘治年張奎 左能 張本 王恭 任福

吳江授宿州訓導 石鼎授祁門縣主簿 趙景

和授潭城縣主簿 常蘭 吳諒 閆寶 劉進

郭文通 熊傑 李萬森之子授磁州同知 高玟

正德年王奎佑授嘉定縣主簿 李正仁 張汝

霖 田宏授華州同知 楊時得 黎廷瓚 馮瓚

閆珍授安州判 王民暉授荊門州同知 張簡

授醴泉縣縣丞 吳政授黃縣主簿 李寶 溫經

授寶鷄縣主簿 嘉靖年辛譽授館陶縣主簿 石

敘授白泉縣知縣 常臣蘭之子授蓬萊縣縣丞

劉思溫授寧遠縣縣丞陸登豐縣知縣 梁正授遼

州判 陳堯授常熟縣縣丞 熊威授甘州衛知事

張仲賢授扶風縣主簿 李允中授鉅野縣主簿

李堯時萬之子授金縣縣丞陸隆德縣知縣 高

思紀授歸德州吏目 李堯年萬之子授魚臺縣知

縣 仝朝 李堯仁授修武縣訓導 李雲授蠡縣

訓導 常卿蘭之子 仝魯授良鄉縣主簿 傅思

恭 黎奎授未寧縣縣丞 傅寶 陳嘉言授衛輝

府照磨 賈會授濟寧州吏目 張舜卿授白水縣

訓導陸教諭 李堯聘授東平縣縣丞 石文學

張範汝霖之子授清水縣訓導陸教授 張沂之

王孟陽 朱葵授沂水縣主簿 劉振威授高密縣

主簿 毛淮授順天府照磨 李九達 鄧鎧授未

平府訓導 白潔授鄒平縣縣丞 盧應元授順義

縣訓導陸教諭 吳尚義授霸州判 李堯典萬之

子授灤州同知 董時和 張尚文 隆慶年葛登府

授安定縣知縣 劉洋授寧波府通判 葛登廢授

延安府通判陸綬德州知州 黎民表授鄒平縣主

簿 徐鳳授洛川縣縣丞 萬曆年白尚文 李發

堯聘之子授蓋屋縣縣丞 白九輝授霑化縣主簿

李應夏九遠之子 靖泉 吳相授涇陽縣主簿

趙春授渭川縣主簿 吳邦瑞授蠡縣主簿 范

之蔚授章丘主簿 張大化授內鄉縣主簿 白德

潤授華陰縣主簿 葛登川授長安縣縣丞 穆楠

穆柏授潞安府訓導 陳一正授崞縣訓導陸教

諭 李朴 李樞授保安州訓導陸學正 安汝科

授太原府訓導陸教諭 高可期授解州訓導 謝

官授濬縣訓導 翟珂授河間府訓導 李逢時授

屯留縣訓導陸教諭 仝慎初授棗強縣訓導陸教

諭 王邦畿授忻州訓導 劉九代授乾州判 白

尚濬授榆社縣訓導陸教授 陳一允授壺關縣訓

導 吳棟授五臺縣訓導 吳邦器 陳應選 高

維嵩

封廕封河南道監察御史李某以子彝贈 廣西道

監察御史孫某以子逢吉贈 文林郎涇陽縣知縣

翟蓬以子廷楠贈 廕張籍以父汝舟死事廕入監

授序班陸武強縣知縣

例貢李末康

楊瑄

郭塘

李宗

張汝舟授大城縣知縣死節贈光

丞 仝鑑

王瓚

賈定

張上卿

范思賢

李純

苗世用

楊繼先

翟萬授武定州

吏目 王治

辛自誠授序班 辛自實授

序班陞經歷 王堯相授光祿署丞陸鞏昌府通判

翟廷松授丘縣主簿 李應期授保定府知事

翟希孔授濱州吏目 龔科授重慶府照磨 丘

之蔚

李應乾授永平府照磨 翟瑛

授序班 楊擢奇授廣平府經歷 翟瑩授河間府

照磨 楊梅授彰德府經歷 王邦甸授序班陞隨

堂 劉希冉授序班 王守正 李泰和 李可胤

李可樹 劉三台

武舉王之甫萬曆十六十九年中二科管正兵營千

總 按舊志科目獨盛千金以有元張郁記也勝國湮
沒無聞卽有之均閏統時人百不當

國朝之一國朝鄉舉三十有一

廷對者五其不與廷對而入爲臺憲出爲方伯刺史

後先輝映可謂盛矣貢顯者爲郎署方州巖邑指

十數僕而李魚臺以文學著葛綬德以宦蹟聞亦

何遜科甲中人哉張大城故是賢選乃難效元

以節見褒延世弗顯何歟王鞏昌由大官郎爲郡
倅咸有聲錚錚矯矯亦足多已諸薦辟遠莫稽孫
司務坐權璫籍沒非不幸耳封君虛貴足以勸教
忠者故附紀焉

人物志

夫採玉必於崑山取材必於鄧林重所產也環恒
南北疇不鍾靈於

岳州最近其鍾靈宜最厚毓才宜最傑最夥名碩俊
偉之士挺生輩出燁然焜耀於古今有自來矣作
人物志第七

賢金劉馮號南山翁天會二年狀元及第時以

賦取士馮所著賦爲人楷範官至石州刺史 雷思

登天德三年進士累官大理寺持法寬平後同知北

京轉運使事嘗註易有易解 蘇保衡字宗尹登天

會六年進士補太子洗馬累遷工部尚書大定間山

東盜賊嘯聚百姓困弊詔保衡安撫之發倉廩賜幣

帛民賴以安後擢行戶部于關中兼糾察假便宜黜

守令不法者十餘人入爲禮部尚書參知政事宋人

請和與僕散忠義酌事宜入奏進右丞卒于官世宗

放鷹近郊聞計卽還輟朝賻贈命有司致祭焉

雷淵字希顏思之子少發憤入太學衣敝履穿坐榻無席恒兀坐讀書從李之純遊遂知名登至寧元年進士調涇州錄事改東平河朔重鎮驕將悍卒倚外敵爲重淵出入軍中偃然不爲屈雖大將不敢以新進書生遇之尋拜監察御史言五事稱旨彈劾不避權貴出巡郡邑所至有威譽奸豪不法者立捶殺之久之用宰相薦起遷翰林修撰 劉從益字雲卿撫玄孫也登大安元年進士累官監察御史論事忤當路得罪去起爲葉縣令葉白兵與戶減三之一田不毛者萬七千畝有奇歲入七萬石如故從益請大司

爲減一萬民甚賴之流亡歸者四千餘家乃入朝應奉翰林文字踰月卒葉人爲位哭立石頌德馬從益精于經學善屬文詩五言尤工有蓬門集 元高定敦信義尚氣節仕爲雲中招討使都元帥永安軍節度使謂諸子曰吾蒙國恩致位侯伯布衣之極遂致仕去 孫公亮父威以製甲累官都總管公亮少有大志練習國典承父廕佩銀符上章請設御史臺以正紀綱遂拜監察御史職滿憲長奏公亮自供職以來無點水私可再任俾矜式新進累遷至行工部尚書 雷膺字彥正父淵金監察御史膺生七歲孤

母侯氏挈膺歸渾源織紵課讀膺篤志于學事母以孝聞
太宗時設科選士膺弱冠與選愈砥礪以文學稱丞相史
天澤鎮真定辟掌書記世祖時累遷監察御史首以正君心
正朝廷正百官爲言又斥聚斂之臣不宜作相三任提刑
按察使還江南俘獲新民爲奴隸者數千計蘇湖兩傷稼
請發廩米二十萬石賑之尋致仕歸老山陽成宗卽位咨詢
國政多所建白大德初卒追封馮翊郡公謚文穆 國朝李彝
本樂甲午科舉人授監察御史才名著稱尋擢江西按察使
治獄平恕秩滿轉浙江左布政使卒于官 孫逢

吉字餘慶正統丁卯科舉人授長公治 惠而濟之以嚴
循善始強催科不投賢聲甲關中徵入爲御史第一督
長盧監軍榆林所至肅然尋按四川時江蠻內江蜀兵
戰歸鎮巡匪不以聞特疏劾正其辟早疫爲災道殣
蔽野清園圍掩皆骸甘雨大注蜀人有門扉春雨臭
壤和風之謠已僉憲秦梟用惠文法如故踰年陟憲
副治兵圖原拊處降胡深得其心又踰年陟本省右
轄數月轉左轄引疾歸數歷四十年不出秦封秦人
熟其政教孺婦無不知名者焉 郭容字子仁成化乙酉
科舉人少有至性孝友

著聞卒業太學時以博洽薦于朝召對便殿稱旨錫
賚甚渥命以秩辭不受後選得寧海州時方沍寒單
騎就道既視篆興廢舉墜革弊釐奸州政一新有大
豪魚肉其民者峻法繩之抵罪餘黨匿不敢出又條
上便民六十事部使者皆報可中貴人奉命求金逆
于境外力言州瘠壤素不產金不敢以屈使輒中貴
人竟弗入民賴以安已督餉雲中餉如期集羨金千
兩還所司人皆服其廉還任以疾寓都門遂不起聞
者無不悼惜云 張汝舟正德初以例首授萬全衛
經歷陞順天大城縣知縣時劇賊劉六輩突至汝舟

以孤力守危城悉心保障誓不與賊俱生賊大合衆
攻城陷巷戰死其子策並遇害事聞贈光祿寺丞賜
祭葬廕一子入監讀書 崔廷楠字棟叔號龍洲少

有大志負才氣屹屹不肯下人乙卯舉經魁辛未成
進士授涇陽尹涇固巖邑賦訟滋繁吏緣爲實公至
盡批宿蠹以杜舞文又重法繩豪右不少貸無敢扞
罔者文廟圯捐俸修葺歲侵請蠲賑境無廢箸無流
民三年能聲大著薦贖滿公車坐豪右騰謗量移南
大理評事某有寃獄衆避嫌不爲理公爭之廷尉亟
爲平反某坐法當刑行金祈免公叱出自廷尉亟實

于法異已者復騰謗遂罷歸懷奇不售竟齎志以歿云

按元學士王暉稱神川清淑士多瓌奇宏傑而劉雷爲之冠考金元列傳語不虛耳

國朝兩方伯而下顯晦升沉異致咸卓然有樹立可表世範俗景行來禩者故列之鄉賢不盡俎豆學宮也而皆足爲俎豆重是在觀風者采焉

寓賢金元好問號遺山太原人時游神川與李治張德輝結吟社稱龍山三老 國朝王汝浹 號見

田懷仁人愛恒山各勝因僑居焉少績學能文鄉舉

後以大魁自期十二上南宮猶乾乾不休也晚帖括行吟山水間即貧不能具禮齋卒不以五斗選竟家食終其身云

按遺山足跡徧代馬門間其稱三老則龍山獨耳地以人重信夫王孝廉坎壈公車牢騷不平之氣盡付之吟詠非矯爲達也去故居三舍而家于僑舍寓賢無稱矣

孝行國朝王誠以歲貢授任縣丞父喪哀毀骨立既

葬廬墓側慈烏晝聚狐兔馴成化間旌其門 石

霏州學生父喪廬墓時大雨山水陡漲墓將淤霏仰

天哀禱水漸殺左右分流得不淤人以爲孝感云弘治間旌其門 孫震性至孝父病劇額天祈代遂愈母病又劇割股和粥進之亦愈鄉閭咸以孝稱其孫逢吉官方伯人以爲有天道焉

貞烈元田氏知州劉仲亨妻生子彬方七歲亨卒田年二十五痛夫歿不欲獨生意投繯死喪側至正間旌其門 國朝孫氏張謙妻生子文瑞未歲謙卒哀毀幾絕年方二十有二誓不再適撫孤成立六十二歲卒弘治間旌其門 李氏王士能妻生子瑞未歲夫病劇焚香請代夫歿年二十四三日不食舅姑強

以飭粥始甦已憐其少欲奪志李以刀誓死不肯移天逢歲饑攜蒿和米以資俯仰教子成立八十四歲卒里人稱完節云 靖氏適郡庠生李開開疾革謂氏曰吾今以重閨恩累汝氏飲泣領之開歿氏以共姜自誓織紉佐子績學事祖姑姑甘旨備至卒成其子爲俊士部使者表其門 綸褒固有待云

按元史列傳稱雷膺母侯攜七歲孤間關歸里以織紉佐子成名侯固節婦也張大城以身殉城子策以身殉父策固孝子也侯附見于子策附見于父茲所著孝節各三人其表里者四以

天子尺書賁衰麻綦編榮遇極矣孫孝子李節婦不
蒙褒然孫以張少保傳傳李不虞汶汶乎要以寸
草春暉孤松寒歲固其天性然耳傳不傳豈顧問
哉

江源州志卷一終